

النار على اللي على الاحوال السنترال رموه بالرصاص اطلقوا النار ثانية على الشرطة العسكرية اللي على ظهر السطح اطلقوا النار ثالثا على الحارم البراني اللي باب سراية نابلس قالوا للمساجين اللي يحب يطلع على عاتقتا يتفضل يا شباب راح التلفون خلا للستبر ميلر والمستر ساندريس حضروا في سراية نابلس عملوا اجتماع لضباط اولاد العرب قالوا لهم فمش يا شباب واحد يبيض السجن الا امر من الملك جورج في لندن . انا اللي مستعد يلقي القبض على محمد محمود العديلي وعلى قاسم أبو سليقة العقرباوي وعلى حميدة تبع طمون اللي تبرع في القاء القبض عليهم عابدين بك عابدين بك بوخذ وحدة مسلمة واخيرا بجوز يهودية قال لهم يا مستر ميلر اعطوني مهلة ثلاثة اسابيع اما بجيبهم مقاتيل اما بجيبهم ع سراية نابلس مذابيح والباحث حاضرين المؤامرة وحاضرين الاجتماع ظلوا يسالوا عن الجماعة تمنهم عينوهم في غور الجفتلك واحد من الباحث ركب في هالسيارة وراح اعطاهم الخبر الكامل قال لهم اختدروا من عابدين بك لانه تبرع بالقاء القبض عليكم واذا ما ذبحتش عمركم ما بتستريحوا في لواء نابلس ، محمد محمود العديلي تناول هالكتاب وكتب مكتوب بالخط الاحمر وبعته مع واحد يورد جينة ع نابلس قال له من فضلك ارميه باب سراية نابلس اخطار لعابدين بك اذا ما تراجعش عن رأيك والا تقتل رميا بالرصاص بعدها باسبوعين يا اخوان راح الخبر لمحمد محمود العديلي من الباحث قالوا لهم اذا انتم ابطال قد حالكم سكرنا الخط العام عند عيون الجرائمية بين نابلس والقدس اذبحوا عابدين بك لانه في الساعة الفلانية في اليوم الفلاني بده يطلع من نابلس عالقدس ، محمد محمود العديلي وربعه على حسب وعد الباحث ركبوا خيلهم العصر ونص الليل حولوا ع بلد اسمها المزرعة الشرقية هلموجودة حاليما واللي لفوا عليه حي يرزق رئيس المجلس القروي في المزرعة الشيخ عبده . حولوا عند الشيخ وكرمهم اهل المزرعة وشباب المزرعة اتسلحوا بسلاحهم ووقفوا حراسة عليهم ، مع الفجر نزلوا ع واد البلاط ع الساعة والبقية ع اخبارية الباحث الا سيارة عابدين جاية من نابلس عالقدس اشبهوا السلاح عالسائق . سائق السيارة وتسف عالسدد عالطريق نزلوا ركاب السيارة الا هي مرت عابدين بك المسلمة واولادها والسائق عابدين بك مش موجود في السيارة محمد محمود العديلي قال لها مئين انت يا بنت قالت انا مرت عابدين بك قال لها يا بنت شوفي الكفر للرجال مش عيب والرجل اللي بقشط مش عيب عليه هذه كبر الرجال والطمع في صدورهم ولكن العيب على الرجل واللي يقل قيمة الرجل في مجالس الرجال اللي بلفتت على عرض اجاويد الله بسوء واللي بحافظش على عرض الناس الله ما بحافظ على عرضه ويا بنت الحلال اللي بضيع مال بجيب مال غيره لانه المال مثل الريح يروح ويبجي . ولكن اللي بضيع شرفه بين الناس والله لو يصرف وأد مصاري ما تيشترى له شرف واحنا الثلاثة معاهد ينك اخوتك في كتاب الله واللي بدو يخونك قبيلته على الله بدنا نؤخذك ونؤخذ هالاطفال ونؤخذ هالسائق معنا نوري عابدين بك البلاد لنا والا اذوها واخذوا الاطفال واخذوا السائق واحرقوا السيارة على السدد وروحوا فيهم على غور الجفتلك عند الامير غلال المسعودي عند المساعيد راح الخبر لعابدين بيك ان المرأة والشغير والاولاد مفقودين والسيارة محروقة فتعدت ، عشرة ايام بالتمام والكمال وهي عند اخوتها عند الجماعة الطيبين شروة هالحي ، لان الرجل الطيب هو اللي بحافظ على شرفه ، قالوا لها كون مذايقة يا اختي قالت لا والله ما اناي مذايقة ولكن اللي مذايقتي هالاولاد بدي اخذهم اسلمهم لابوهم لعابدين بك وانفاهم معاه انا واياه اذا تراجع عن رايه هيني مرته وبريلو اولاده واذا ما تراجعش عن رايه يسلمو الاولاد ويرجع عليكم اذا الحكومة البريطانية ما ألقت القبض عليكم اقسام لكم بالله لتنحر وراكو . جابوا لها سيارة عن جسر ذامية وقالوا للسائق هذي اختنا دير بالك باب سراية نابلس نزلها ونزل الاولاد نزلهم السائق